

Broj: U.D-01-3.1.-15905/19  
Sarajevo, 18.10.2019.godine

Na osnovu člana 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku **mobilnih terminalnih uređaja** broj: 07.4-26.5-10360-26/19 od 17.10.2019.godine, Uprava Društva na svojoj 234. elektronskoj sjednici održanoj 18.10.2019. godine, d o n o s i:

## O D L U K U O IZBORU NAJPOVOLJNIJEG PONUĐAČA

### I

**U postupku javne nabavke mobilnih terminalnih uređaja, ovom odlukom se vrši izbor najpovoljnijeg ponuđača MIBO KOMUNIKACIJE doo Sarajevo, sa vrijednošću ugovora od 205.100,00 KM bez PDV-a, odnosno ukupnu vrijednost ugovora od 239.967,00 KM sa uračunatim PDV-om;**

### II

Izabrani ponuđač nema obavezu dostaviti dokaze predviđene članom 45. Zakona o javnim nabavkama obzirom da je iste već dostavio kao dio svoje ponude.

### III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.


## OBRAZLOŽENJE:

Na osnovu Odluke o pokretanju postupka javne nabavke mobilnih terminalnih uređaja broj: U.D.-01-3.1-11559/19 od 19.07.2019. godine i Rješenja Generalnog direktora o imenovanju Komisije za nabavku, broj: 01-26.5-10360-5/19 od 22.07.2019.godine, proveden je otvoreni postupak javne nabavke, objavljivanjem Objaveštenja o nabavci broj: 238-1-1-603-3-128/19 od 04.09.2019.godine, Ispravka obavještenja 238-1-1-603-8-138/19 od 24.09.2019.godine na Portalu javnih nabavki.

Javno otvaranje ponuda u postupku predmetne nabavke je održano dana 16.10.2019. godine u 12.<sup>15</sup> sati, u prostorijama Generalne direkcije "JP BH POŠTA" d.o.o. Sarajevo, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja. Otvaranju ponuda je prisustvovao predstavnik ponuđača MIBO KOMUNIKACIJE doo Sarajevo, Armin Aščerić.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći uvid u sadržaj i validnost dostavljene dokumentacije. Javno otvaranje ponuda završeno je bez primjedbi prisutnog predstavnika ponuđača na rad Komisije.

Nakon izvršenog otvaranja pristigle ponude, Komisija je pristupila analizi i utvrđivanju validnosti ponude, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponude, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01-3.2-5233/15 od 04.03.2015. god.



Analizirajući otvorenu ponudu Komisija je konstatovala sljedeće:

- Da je ponuđač MIBO KOMUNIKACIJE doo Sarajevo dostavio ponudu **sa ukupnom vrijednosti ponude bez uračunatog PDV-a od 205.100,00 KM** koja u potpunosti ispunjava sve zahtjeve ugovornog organa definisane u tenderskoj dokumentaciji tj. ispunjava sve formalno-pravne, tehničke i ekonomske uslove, te je shodno tome ocijenjena **prihvatljivom** za ugovorni organ i može biti predmet vrednovanja.

Cijeneći činjenično stanje Komisija konstatuje da je za javnu nabavku mobilnih terminalnih uređaja, pristigla ukupno jedna prihvatljiva ponuda za Ugovorni organ. Ugovorni organ je za predmetnu nabavku predvidio provođenje E-aukcije ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja E-aukcije član 3 stav 3, Ugovorni organ neće zakazivati E-aukciju već će nabavku okončati u skladu sa članom 69. Zakona.

Na osnovu gore navedenog, a shodno utvrđenom kriteriju „najniža cijena“, Komisija utvrđuje rang-listu ponuđača sa uračunatim popustom i bez PDV-a, kako slijedi:

**1. MIBO KOMUNIKACIJE doo Sarajevo ..... sa cijenom 205.100,00 KM**

Obzirom da ponuda ponuđača **MIBO KOMUNIKACIJE doo Sarajevo** u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.



**GENERALNI DIREKTOR**

**mr.sci. Mirsad Mujić**

Dostaviti:

- Sektor za razvoj i informacioni sistem (Nosilac posla)
- Sektor za EKF poslove
- Služba Marketinga (za objavu)
- Odjeljenje za Javne nabavke
- Ponuđaču putem Komisije za nabavku
- a/a

